

仔嘗出兵二將後期欲斬之夫人救之得免二將後仕南唐為將攻破建州時仔已死矣夫人居建州二將遣使厚以金帛遣夫人并以一白旗授之曰吾屠城夫人植旗于門吾以戒士卒勿犯也夫人反其金帛并旗弗受曰君幸思舊德願全此城必欲屠之吾家與眾俱死耳不願獨生二將感其言遂不屠城練之力也范氏今為蜀中望族子孫蕃衍有官者常百數人章氏亦為建之大族位至卿相者相踵皆練氏後公其一也嗚呼二家所救如此而天之報之亦如此此固非世常有但於水火盜賊飢寒疾疫刑獄逼迫逆旅狼狽一切危急皆能如此存心事體雖不相侔其為救危則皆一也

贊曰

孺子及井 休傷皆有 器將墜地  
觀者舉手 轉危為安 起痿而走  
彼難既脫 我善亦厚 以仁存心  
必無悔咎

太上感應篇卷之三

正一天師清微弟子 洪百堅 製作

道教學術資訊網站

太上感應篇卷之四

李昌齡傳 鄭清之贊

義四

見人之得如己之得見人之失如己之失  
傳曰文殊問道場於維摩曰如何是道場  
維摩曰平心是道場趙州問道於南泉曰  
如何是道南泉曰平心是道然則平心即  
道歟道場歟歐陽文忠修好賢樂善常以  
平心為難彭中丞思永好學不倦常語人  
曰吾不為他學自勿即學平心然則平心  
果難歟須自學歟大抵心之為物即體非  
有隨用非無必欲平心在我而已夫復何  
難前輩以為難者歎無人也不後學也世  
之見人得失不能如己之得失者必不曉  
此惟其不曉是以物我常勝罪來集身如  
水歸海日成深廣尚何足以道場與道之  
說而告之哉昔薛瑄身相燕國不能平心  
見人有得如己有失見人有失如己有得  
未嘗薦一士舉一賢有可稱者嫉之如仇  
過截使不得進晚歲一子死於獄餘皆負  
聾啞啞偃僂顛癡時公明子臯見而憐之

因諸貴曰此皆緣汝心行不好罪當滅門  
 諸子雖爾未足以盡子之罪環聞大懼懇  
 求救護子臯於是以赤松子中誠授之環  
 誓志力行僅全一子所謂中誠果何書哉  
 竊嘗伏詩其與此篇無以異也大抵皆是  
 指出人之錯用心處其為拔罪最為有力  
 薛璞發愛中誠而能得免滅門周虎堂揚  
 此篇而能得脫餓死不有力乎嗚呼世間  
 萬事轉頭即空惟有 因長為身累今注  
 此書正所以發明此說也知有此書者不  
 可不求一讀既讀不可不行信能如是異  
 日生死路當得大力也

讚曰

百篇之書 稽晉殿後 人之有技  
 視若已有 民不協極 未離于咎  
 洪範之君 錫福均受 非曰為人  
 待已則厚

不彰人短

傳曰馬伏波戒子務曰聞人有過如聞父  
 母之名耳可得聞口不可得而言此已自

盡夫太上所謂不彰人短之說也至於龜  
 山先生則又為之語曰口固不可得而言  
 耳亦不可得而聞此則又出於馬伏波之  
 說向上一頭地也大抵人處塵勞不能無  
 短然短自其短何與於我在我只消一箇  
 不聞不知則其短終不自我而彰苟或一  
 語彰之則其短不免傳播聞望自此而滅  
 素守自此而隳詰此之由咎當誰執當知  
 好彰人短君子有所不為小人為之而無  
 忌憚也昔龜城之民有祝期生者為人猥  
 薄好彰人短人有體相不具者譏笑之妍  
 美者嫉毀之愚昧者輕侮之智能者評品  
 之貧者鄙薄之富者訕謗之官僚則許其  
 陰邪士友則發其隱由門閥才望皆出其  
 右無可擬議者則必巧求其短曰乃祖微  
 人也乃父鄙人也母家工商也妻家駑儂  
 也其弟不良也厥子不肖也有小過者亦  
 必溢詞增飾以成其短事無巨細一切如  
 此乃至以無為有以十為百以疑似為端  
 的以偶然為故犯以不得已為優為以錯

讚曰

我所自立 欲為聖賢 彼亦人耳  
 何獨不然 邂逅有過 尚可諒前  
 一播其迹 終身之咎 是以掩惡  
 君子貴焉

不街已長

傳曰老子曰良賈深藏若虛盛德容貌若  
 愚孔子曰君子之道闇然而日彰小人之  
 道的然而日亡大抵人之為人其可畧無  
 所長苟有所長自當如是要在益加韜晦

善自涵養必使日新又新然後可以成德苟或不免輕躁銜露自呈褊淺豈所謂盛德容貌若愚君子之道聞然而日彰也哉是故歐陽文忠公修長於文章每對客論談則言政事而不及文章蔡端明長於政事每對客論談則言文章而不及政事此皆自晦者也惜人不知多至自衒昔李泌極聰慧年七歲已能文嘗賦長歌行曰天覆吾地載吾天地生吾有意無不然絕粒升天衛不然而鳴珂遊帝都焉能不

貴復不去空作昂藏一丈夫一丈夫者一丈夫平生志氣多良圖諸君看取百年事業就扁舟泛五湖歌成莫不稱賞獨張九齡力戒之曰藏器於身古人所重今君早得美名必有所折宜自韜晦庶幾成德況童子乎若為歌詩但只賞風景詠古今勿自揚已為妙必若有悟泣謝再三從此不復自衒蘇使不已安能成德為一代之名相乎當知人有所長切忌自衒

讚曰

三才並立 曰天地人 網紀兩間 繫人一身 自賢而聖 由聖而神 頃刻滿假 其德不新 類淵如愚 端可書紳

遇惡揚善

傳曰遇惡揚善在易謂之君子在篇謂之善人易曰火在天上大有君子以遇惡揚善順天命然則遇惡揚善即為順夫天德休物之命乎天之休命果是在乎大抵人非堯舜安能每事盡善其不善者即名為惡我能為之遇之使之不至自棄復得勉而從善人誰不貴於善一言一行苟有可取即名為善我能為之揚之使人皆得聞知爭相率而為善天之休命豈不然乎天之休命本如此我今於物亦如此豈非順天命乎中庸曰舜其大智也與隱惡而揚善舜尚如此況餘人乎是故趙康靖公築專以掩惡揚善為務邵康節公雍樂道人之善不及人之惡此皆得夫遇惡揚善之說者也惜人不知成人敗人

皆在一言言之出口其可不謹昔寇萊公之在鎮也因生日造一山棚為監司所奏上大怒王音甚厲謂王文正公且曰寇準每事必欲效朕何也文正曰寇準誠賢能但欺耳上曰但欺耶遂不投問卿非文正

一言則山棚之怒安得便霽賢能之說安得上聞乎王文康公曠治蜀盜無輕重皆論死有謗其大苛會劉燁召還真宗問曰凌策與王曙治蜀孰優燁曰凌策值歲豐故得以平易治之王曙值歲歉慮民為盜不得不繩以法易地則皆然也真宗善其言燁非劉燁一言則大苛之疑安得遽釋皆然之語安得上聞乎此遇惡揚善太上所以稱為善人易所以讚為順天命者也

讚曰

善惡之念 實同一初 舉抑進退 如轉轉輪 遇彼揚此 繫其機樞 春意所感 百發昭蘇 易順休命 其天心乎

推多取少

傳曰推多取少似主兄弟言之大抵義屬大倫臨財自當如是苟或反是義復何在況財者尤貴手義天之察人多在乎此今日取多豈遂多乎今日取少豈遂少乎昔薛包與兄弟析產奴婢取其老者田疇取其荒頓者器物取其弊折者徐積與二叔析產先請二叔畢取所欲惟餘一篋圖書兩間弊屋積怕然受之畧無愠色又如魏公感照之畧取一二種東染世衡之但取圖書杜正獻行之盡與諸昆杜神童淳之悉與季弟此皆推多取少者也至於官爵亦有推而不受者如申積中兩遇郊恩悉推以官其二弟徐禧恩命已下復推以待其兄之子是也彼錙銖必校尺寸必爭者旋踵破敗何足以此而語之哉

讚曰

知雄守雌 大白若黑 不貪為寶  
 若氏之喬 自廣狹人 豈曰盛德  
 意防侈大 身務儉抑 徒以財言

未盡天則

受辱不怨

傳曰按涅槃經昔有一人讚佛為大福德相聞者乃大怒曰生纔七日母便命終何者為大福德相讚者曰年志俱盛而不卒暴打而不喚罵亦不報非大福德相乎怒者心服大抵惟有福德方能如是惟能如是乃有福德固非局量褊淺者之所可窺不聞本朝大福德者乎昔呂蒙正拜參政將入朝堂有朝士於簾下指曰是小子亦參政耶蒙正佯若不聞既而同列必欲詰其姓名蒙正堅不許曰若一知其姓名終身便不能忘不如不聞也富文忠公少時嘗有詔之者文忠聞姓不聞或以告之文忠曰恐罵他人曰明呼公名弼曰天下豈無同姓名者竟至不問此固文士或亦能之若夫武臣而亦能者誠亦可取狄武襄為真定副帥一日宴孫沔有劉易者亦與座易素疎計見優人以儒為戲乃勃然曰黥卒乃敢如此甚至詬罵武襄不絕口俄

又擲樽俎而起時孫沔觀武襄氣殊自若不少動笑語愈溫易歸方自悔則武襄已踵門求謝矣王吉為漆差都監從征劉旰吉謹愿寡語狀若無能動輒為同列詬斥吉不問惟盡力王事奮不顧身竟能衝破賊軍遠統制非氣量超越能如是乎此皆有前程享福德處孰謂佛語為不然乎

讚曰

頰子不校 隨會能賤 下惠袒楊  
 師德唾面 穉美當時 垂芳記傳  
 心和氣平 笑觀物變 虛舟飄瓦  
 吾又何怨

受寵若驚

傳曰太上於寵辱章曰寵為下得之若驚失之若驚是謂寵辱若驚今於此篇又曰受寵若驚然則受寵果若驚乎大抵福兮禍所伏當受寵時不無盛滿萬一盛滿則便有無限禍事伏乎其間一旦寵失禍必勃至豈不果可驚乎是故君子受之常若驚也昔王文正公且初登第知平江即通

判鄭州尋拜右正言知制誥政集賢殿修撰遷翰林學士拜工部侍郎參知政事加同平章事從封泰山祀汾陰兼玉清昭應宮使迎奉聖像天書刻玉充州太極觀奉上寶冊使拜太尉兼侍中晚年官益重每家人出賀必止之曰遭遇如此愈增受懼何可賀也及為朝修使自禁中乘輅出都門百官餞送莫不交口稱賞公之榮遇公則不然曰但覺反側不安耳他人處此能如是乎張忠定公詠之拜吏部侍郎也

謂所親李岐曰今蒙聖恩擢為天官少宰可畏可畏若轉下而思則身不危轉上而思則恐必敗慄慄若有懼色他人處此能如是乎惟其如是所以能有其寵苟或不然不免立取禍敗不聞盧多遜與种放之事乎盧多遜初拜參政服用漸侈其父億即愀然不樂曰吾家世儒素一旦富貴速至如此未知稅駕之地矣多遜不能念父之言竟以事敗种放初為朝廷所召聲名大振其母即志謂放曰吾勸汝勿聚徒無

求名今果為人知不得安處矣放不能念母之言竟以名敗此皆受寵不能若驚者也

讚曰

謙尊青黃 乃木之災 孤積衣繡 寧活草萊 軒冕所寄 外物儻來 貪榮保存 禍身之胎 夫知道者 可不懼哉

太上感應篇卷之四

正一天師清微弟子 百堅 製作

道教學術資訊網

太上感應篇卷之五

義五

李昌齡傳

鄭清之贊

施恩不求報

傳曰君子有心於施恩無心於求報苟有心於求報即是利在於報初非為人報未必可求而怨必先之烏足謂之恩哉是以不求之報常見於無心之思昔尚霖為巫山令邑尉李鑄最强悍無何感疾遽至困劇霖憐之因請所托尉拭淚以老母少女對及卒霖為割俸送其母及其函骨歸河東且為嫁其女子二族一夕夢尉如生時拜且泣曰公本無子感公之恩已為力請于帝今得為公之子矣是月霖妻果孕明年解官沿流而歸每遇灘險必見尉隱約立岸上如指呼狀將抵荊渚又夢尉曰某明日當生某府公必以小合送及生府公果以小合貯粟米為糜粥之須因呼之曰合名之曰穎及長極寬厚敏於仁篤於孝官至大理寺丞宇文英迪初領黔江都獄民有扶愛之者常訴漕臺官吏道坐事繫獄